

世界漢詩同好會（中國篇）第 33 次徵詩匯總

作者：25 人 詩作：38 首

秋日書懷

陳麗華

南國秋風起，蒹葭白露降。晚蟬聲寂寂，秋鷺影雙雙。
壯氣今何在，狂言志已龐。物心悲暮日，詠思不成腔。

秋天望鄉

陳麗華

一望波無際，潢潢氣勢龐。商聲繁葦岸，月影泛漁艘。
念舊情無極，謀生力獨扛。鄉關何處是，秋思在清江。

秋日書懷

趙文懷

寒煙裊裊繞三江，細柳斜陽映畫舫。客夢勾殘蟬噪柳，秋蟲起唱月臨窗。
悲歡離合心神領，雨雪風霜瘦骨扛。漫步歸來拈窄韻，憑軒攬勝景無雙。

秋天望鄉

趙文懷

歸雁南飛思滿腔，客中寥落夢無雙。頻年浮梗飄蓬海，何日揚帆泳汨江。
往事難尋癡倚枕，離愁未癒痛傾缸。多情只有天邊月，夜夜清輝照碧窗。

秋日書懷

李能學

西風颯颯動梧桐，千樹緋紅掩石缸。荒野蛩鳴聲斷續，庭園螢火影成雙。
相思綺夢橫殘月，秋菊黃花罩綠窗。繫繫情懷難拂去，漣漣淚雨落吳江。

秋日書懷

曾焜（瀟湘野鶴）

賞月怡心納晚涼，獨挑幽靜倚西窗。回眸凝視遐思久，俯首縈懷數畫舫。
燕去雁來驚夏夢，柳凋楓艷盼春降。斜陽十里芳霏地，作賦吟詩詠大江。

秋天望鄉

曾焜

獨夜支頤對短缸，漫天雲霧鎖南窗。西風一掬離人淚，吹斷鄉心夢不雙。

秋天望鄉

甯佑民

蕭蕭秋意露橫江，桂溢清芬吐客窗。拂面風涼蟬唱切，沿溪葉舞水流淙。
雁鳴近塞傳湘訊，浪拍長堤播楚腔。莫向攻滄訴岑寂，登樓遠眺舊家邦。

秋日書懷

湛國屏

九面峰巒開霽色，千般落翠隔林邦。波平遠水迢無岸，日映繁花艷滿江。
每為景幽勤屐齒，貪看帆出上樓龐。良朋欲作高秋會，如此風光未易逢。

秋日書懷 其一

韓民安

空庭落葉漲秋江，清夜冷光月滿窗。隔岸寒蛩鳴歲晚，堤邊古柳嘆尋雙。
優容悵憶當年事，壞濫時噓舊木杠。有道今宵人影淡，欲言還默對銀缸。

其二

秋來長夜若凝缸，雁去衡陽不逾杠。白髮豪雄今已暮，壯懷猶尚駐胸腔。

秋日書懷

周代熾

風霜歲月心猶壯，瞻彼長空雁幾雙。池裡青荷爭瀉露，村邊翠竹影芸窗。
還家有夢思親友，避世無方憶舊邦。眼底朝坤秋色好，何妨同上洞庭艣。

秋日書懷

姚植

勝迹秋陰來曉窗，詩懷酒興菊花降。浮空紫氣懸金果，倒影青天瀉玉缸。
水上雲來誰第一，湖邊客至古無雙。中韓日友星三詠，唱起忘機牧笛腔。

秋天望鄉

姚植

中韓日友共晴窗，仰望秋天興未降。遠眺銀河星有伴，旁觀玉宇韻無雙。
煙雲樹抹昌新調，水月峰湖厭舊腔。滌盡吟懷環島嶼，三通兩岸促安邦。

秋天望鄉七絕二首

項毓烈

風號木落動荒江，菊老荷枯雨打霜。悵望鄉關天欲暮，登樓高唱故園腔。
鱸肥鶴瘦白鷗江，楓葉霞翻映客窗。何處簫聲頻入耳，鄉心難遣譜新腔。

秋天望鄉

柏蔚鵬

陣陣金風爽，蓬萊暑氣降，仰天觀皓月，隔海夢湘江。
可歎他鄉客，依然故里腔。但祈身永健，更佑我家邦。

秋日書懷

爐峰

風嘶葉落散蒼江，隱見征鴻濕地降。霞映郊原丹桂馥，煙凝山寺彩旌幢。
秋霜顧影疏籬瘦，夕照流光老圃龐。夢繞槐黃詩賦詠，綦懷梓里共輕艣。

秋天望鄉

白濤

欄前葉落蕭蕭雨，獨酌西風對大江。哀雁鳴天雲影渺，浪人回首淚痕雙。
家山舊事沉多載，夷域新愁積滿腔。歸夢難成猶托月，盈盈十五照紗窗。

秋日書懷

鄧里

夜來涼意入燈窗，抬望平波一面江。隨水蛙鳴應漸遠，映雲月笑好成雙。

曾經滄海誰無憾，尤對家山愧滿腔。老柳新楓又何若，朝看日出晚聽蛩。

秋天望鄉

鄧里

雁帶鄉愁落遠江，故園夜夜有吟蛩。每聽拍浪心頭熱，總見耕田牛上扛。
天下烏鴉都黑黑，鄉間稻菽可龐龐。一壺老酒今為伴，醉夢兒時尿打缸。

秋日書懷

老農夫

歸秋雁陣過三江，瀟灑身姿映小缸。轉眼何來近投影，回頭不見遠離窗。
茫茫宇宙餘空幻，嗖嗖風聲入耳腔。兩岸青山遮不住，舷前流水映天罡。

秋天望鄉

老農夫

又是中秋思滿腔，憑欄遙望隔三江。家鄉遠在東山外，明月光臨南戶窗。
不見天燈垂萬福，縈回家事憶千椿。更深電話傳親語，細說當年協力扛。

秋日書懷

舍得不舍德

高天隨雁足，陋室樂開腔。世態頻沾袖，閒情屢觸窗。
悠吹同把盞，嘯傲自成雙。一葉知秋近，微寒瀉玉缸。

秋天望鄉

舍得不舍德

客舍銜杯驚逝水，飄香玉桂慣衝撞。牽絲落葉漫天灑，輾轉閑身倚樹椿。
千里叮嚀猶在耳，幾番經歷聽秦腔。拾來碎夢聯成句，弄影娟娟月在窗。

秋日書懷

暢風揚

賞月江洲九曲缸，琴音跳浪出蘭艫。幻聞仙樂彈虛夢，愧辨伊人唱北腔。
櫓擺情流柔入畫，拍搖心動緩敲梆。晚鍾傳悟千秋典，天水冰輪古韻厖。

秋天望鄉

暢風揚

楣下掛簽五，櫺間剪鵲雙。紅椒金黍院，慈影笑顏窗。
老父蒔籬菊，小孫揪架缸。中秋千里眺，鄉戀對心撞。

近水趣樓歌月雙四首--接句回龍

暢風揚

近水趣樓歌月雙，團圓笑語彙川江。流觴載韻詩帆滿，情注海箋豪氣龐。
情注海箋寓意龐，梨桃瓜果品明窗。今知幾許甜滋味，苦學亦曾憑玉缸。
苦學亦曾憑玉缸，尋真心底聳經幢。靈犀一點功夫下，恰若癡情編細茫。
恰若癡情編細茫，宏文大賦唱華邦。中秋敘誼丹青美，近水趣樓歌月雙。

秋天望鄉

閑暇學韻

南下西風酷暑降，中秋皓月漸臨窗。田壟稻穀彎腰板，曠野黃花笑臉龐。

果實豐盈堆滿院，心情喜悅唱高腔。一年將過回眸望，興旺家園靠眾扛。

秋日寄懷
陸地行舟
忽傳孤雁叫，又見月臨窗。仰望星光滿，深知秋水涼。
登樓因掛念，寄語問安康。金菊盈籬畔，可來同舉缸。

秋日書懷
町翁
風兮凜冽漢家邦，陣雁楓丹水一瀧。月掛長安今夜白，將軍躍馬過滄江。

秋天望鄉
柳邊草
秋月泠泠斜照江，殘荷搖曳影幢幢。游雲淡淡牽思念，塞外鄉音句句雙。

秋天望鄉
滄海拾夢
飄飄一葉墜蓬窗，遠雁成群過大江。夢裡香山雲霧障，朦朧不見我家邦。

秋日書懷
亞中
商聲瑟瑟疏林靜，似水流光秋滿窗。露冷草衰蛩戚戚，月朦葉落影幢幢。
炎涼久歷忘時節，順逆無常豈舊腔。難得逍遙風雨後，孤舟竹笠釣寒江。

秋天望鄉
民力
蕭蕭殘葉落，朝露附西窗。晨起陽光燦，昏來樹影龐。
風揚庭後柳，月照屋前江。北雁南飛往，思愁念故邦。

秋天望鄉
覃曉鶴
颯颯風吹院，天涯月對窗。葉殘凝重露，星墜點寒缸。
不語人無寐，多情影不雙。遙憐倚門望，辛苦一肩扛。